

## დედა ენა

ჩვენი წიგნი, ჩვენი დედა,  
ჩვენი ენა ქართული,  
ვარდნაბადი ფურცელი,  
ჩვენს ყრმობაში ჩართული!

დედის ძუძუ მეორე,  
სიყვარული პირველი,  
ჩვენს აკვანს შემომჯდარი  
მგალობელი ფრინველი.

იავნანის ნიაგში  
ჩვენს ყურთან რომ გაისმა,  
ყრმობა რომ გვისურნელა,  
როგორც ბაღი მაისმა.

ტკბილად რომ გაგვიხარა  
ჩვენ ბავშვობა ბეჩავი დ  
შავი კაბით გაზრდილებს  
გახუნებულ ლეჩაქით.

ჩვენი წიგნი, ჩვენი დედა,  
ჩვენი ენა ქართული,  
ოქროსხმიან სიმებად  
გულში ამოხლართული!

ამ წიგნიდან გაბრწყინდა  
ქართლის დიდი მთიები,  
პირველ ფურცელს გაშლიდა  
გამოხატულს იებით,

ის ამ წიგნში უსმენდა  
ნაკადულს და ტოროლებს,  
საწყალ ხარის ტირილსა,

ხმასევდიან ოროველს,

ხმას გაყინულ კაცისას,  
სიცივით რომ კვდებოდა,  
მზე საწყალი კაცისა  
გორას მიჰფარებოდა.

მას უყვარდა ეს წიგნი,  
ჭრელი აბგის მშვენება,  
მოიგონებს და შუქი  
გულზე დადემენება,

ვიგონებთ და გვახარებს,  
რომ აქვს გულში ჩართული, -  
ჩვენი წიგნი ლამაზი,  
ნდედა ენან ქართული!